

§. 9. *Studiosus* de alibi gestis conventus in loci studii domum revocandi jus habet,

*Consilarii* principis tantum officii ratione, & *Mercatores* tantum mercium gratia alicubi degere præsumuntur, nisi de domicilio aliundè constet.

Qui duo habet in utrolibet conveniri potest.

*Impubes furiosus*, domicilium non mutant nisi manifestè.

*Uxor* sequitur domicilium mariti, etiam in dote repetenda ubi ubi promissa sit. Retinet idem post mortem mariti.

*Filiusfam.* ipse sibi aliud, à paterno, domicilium, si pubes, constituere potest.

*Servus* ut *servus* sequitur domicilium Domini, etiam fugitivus.

*Libertatem possidens*, ubi commoratur, convenitur.

*Famulantes* hodiè sunt liberi: fruuntur tamen privilegiis Dominorum privilegiatorum communicabilibus.

§. 10. *Domicilium*

1. *conservatur*, Animo etiam solo. Hinc ob pestem, bellum fugiens, *relegatus*, servant domicilium

2. *mutatur* Animo & Corpore: Animus probandus est ut supra.

Si cætera sunt paria, ubi X. annos quis vixit, ibi putatur habere domicilium.

Mutans inter migrandum est sine domo.

§. 11. *Domicilii forum* patet omni actioni, etiamsi res alibi sita sit, præter negotiorum gestorum, quorum ibi, ubi gesta sunt, ratio reddenda.

Non transit ad hæredes nisi continuent actionem testatoris.

Uno foro electo post citationem non licet variare.

§. 12. *Vagabundus*, ubi reperitur, convenitur. Citatur etiam editorialiter, cum primis ubi fundum habet.